

Broj: 06-03-869-17/21/09
Mostar, 14.04.2010. godine

Na osnovu člana 14, člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stava (1) i stava (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izdavanje prethodne dozvole za izgradnju proizvodnog objekta mHE „Kaljani“ broj 06-03-869/21/09 od 27.08.2009. godine podnosioca „ENERGONOVA“ d.o.o. Sarajevo, Regulatorna komisija za električnu energiju u Federaciji Bosne i Hercegovine-FERK je dana 14.04.2010. godine na VI redovnoj sjednici donijela slijedeće

R J E Š E N J E

1. Izdaje se Prethodna dozvola za izgradnju proizvodnog objekta mHE „Kaljani“ podnosiocu zahtjeva „ENERGONOVA“ d.o.o. Sarajevo.
2. Prethodna dozvola za izgradnju se izdaje na period od 14.04.2010. godine do 13.04.2011. godine, sa uslovima Prethodne dozvole koji čine njen sastavni dio.
3. Sastavni dio ovog rješenja čini Prethodna dozvola iz tačke 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je dana 27.08.2009. godine primio od strane podnosioca „ENERGONOVA“ d.o.o. Sarajevo Zahtjev za izdavanje prethodne dozvole za izgradnju proizvodnog objekta mHE „Kaljani“ upisan pod brojem 06-03-869/21/09.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 36. stava (2) i stava (3) Pravilnika za izdavanje dozvola-licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a dostavio podnosiocu zahtjeva Obavještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-869-02/21/09 od 15.09.2009. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Postupajući po Obavještenju, podnosilac zahtjeva je dostavio 26.10.2009. godine Dopis primljen u FERK pod brojem 06-03-869-04/21/09, uz koji je dostavio dio tražene dokumentacije i obrazloženja.

U cilju prikupljanja svih potrebnih informacija i dokumentacije, FERK je podnosiocu zahtjeva uputio 11.11.2009. godine Zahtjev za informacijama broj 06-03-869-05/21/09, a u povodu kojeg je podnosilac zahtjeva dostavio 26.11.2009. godine FERK-u Dopis primljen pod brojem 06-03-869-06/21/09, te dana 01.12.2009. godine Dopis primljen pod brojem 06-03-869-07/21/09, a dana 15.01.2010. godine dostavio u FERK Dopis primljen pod brojem 06-03-869-08/21/09, uz koje je dostavio traženu dokumentaciju i obrazloženja.

Postupajući u skladu sa članom 11. Pravilnika za izdavanje dozvola-licenci, FERK je dana 25.02.2010. godine u „Oslobođenju“ i “Dnevnom listu“, kao i na svojoj web stranici objavio Obavještenje za javnost o podnesenom Zahtjevu za izdavanje prethodne dozvole za izgradnju proizvodnog objekta mHE „Kaljani“ podnosioca zahtjeva „ENERGONOVA“ d.o.o. Sarajevo. Povodom Obavještenja za javnost, FERK do roka naznačenog u Obavještenju odnosno do 05.03.2010. godine do 12:00 sati, nije primio pisane komentare zainteresovanih lica na podneseni zahtjev, kao ni zahtjev za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stavom (2) Pravilnika o javnim raspravama i rješavanju zahtjeva i žalbi FERK-a, obavjestio podnosioca zahtjeva o svojoj namjeri provođenja postupka izdavanja prethodne dozvole bez održavanja formalne rasprave, putem Obavještenja broj 06-03-869-10/21/09 od 09.03.2010. godine, kojom je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, podnosilac zahtjeva je u FERK 15.03.2010. godine dostavio dopis primljen pod brojem 06-03-869-11/21/09 u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka, tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 16. stavom (1) Pravilnika za izdavanje dozvola-licenci pripremio nacrt Prethodne dozvole za izgradnju proizvodnog objekta mHE „Kaljani“ po Zahtjevu broj 06-03-869/21/09 od 27.08.2009. godine, podnosioca „ENERGONOVA“ d.o.o. Sarajevo. Na osnovu člana 79. stava (2) Zakona o električnoj energiji, FERK je Odlukom broj 06-03-869-12/21/09 od 16.03.2010. godine usvojio nacrt Prethodne dozvole za izgradnju proizvodnog objekta mHE „Kaljani“, dok je Odlukom FERK-a broj 06-03-869-13/21/09 od 16.03.2010. godine ovaj nacrt upućen u proces javne rasprave, te je određeno mjesto i vrijeme održavanja opće rasprave o predmetnom nacrtu Prethodne dozvole za izgradnju proizvodnog objekta, imenovan voditelj postupka, kao i da zainteresovana lica svoje usmene komentare na nacrt Prethodne dozvole za izgradnju proizvodnog objekta mogu dati na općoj raspravi koja je održana 30.03.2010. godine u 12:00 sati, u prostorijama Općine

Pale-Prača, a pisane komentare dostaviti na adresu FERK-a, kao i putem elektronske adrese do 02.04.2010. godine, do 12:00 sati.

Općoj raspravi o nacrtu Prethodne dozvole za izgradnju proizvodnog objekta mHE „Kaljani“ prisustvovali su: predstavnici podnosioca zahtjeva, predstavnici Podružnice „Elektrodistribucija“ Sarajevo, predstavnici Mjesne zajednice Hrenovica. Podnosilac zahtjeva je istakao da nema primjedbi na tekst nacrtu Prethodne dozvole za izgradnju proizvodnog objekta mHE „Kaljani“ i da smatra da može ispoštovati uslove navedene u dozvoli.

Do ostavljenog roka za dostavu pisanih komentara, odnosno do 02.04.2010. godine, do 12:00 sati, u FERK nisu primljeni pisani komentari na nacrt Prethodne dozvole za izgradnju proizvodnog objekta mHE „Kaljani“.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opće rasprave, voditelj postupka pripremio je pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva na komentare 07.04.2010. godine pod brojem 06-03-869-15/21/09.

Podnosilac zahtjeva je povodom navedenog FERK-u dostavio 09.04.2010. godine Dopis primljen u FERK pod brojem 06-03-869-16/21/09, u kojem je naveo da nema primjedbi na izvještaj sa javne rasprave u postupku izdavanja prethodne dozvole, te je isti prihvatljiv za „Energonova“ d.o.o. Sarajevo.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 09.04.2010. godine pod internim brojem 06-08-481/10, a prije njegovog konačnog odlučivanja na redovnoj sjednici.

Na osnovu obrade Zahtjeva za izdavanje prethodne dozvole za izgradnju proizvodnog objekta mHE „Kaljani“ podnosioca „ENERGONOVA“ d.o.o. Sarajevo i dokumentacije priložene uz zahtjev, te analize postupka opće rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u Prethodnoj dozvoli koja je predmet ovog rješenja podnosiocu zahtjeva postavljeni su, u skladu sa članom 38. Pravilnika za izdavanje dozvola-licenci, određeni uslovi. Spomenuti uslovi uvažavaju potrebu, ali i obavezu „ENERGONOVA“ d.o.o. Sarajevo, da u rokovima propisanim u uslovima Prethodne dozvole za izgradnju proizvodnog objekta mHE „Kaljani“ iste ispuni, u cilju zadovoljenja općih i posebnih kriterija propisanih Zakonom o električnoj energiji i bliže propisanih članom 37. Pravilnika za izdavanje dozvola-licenci FERK-a.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a:

Zdenko Šimunović

Dostaviti:

- „ENERGONOVA“ d.o.o. Sarajevo
- Sektoru zajedničkih poslova
- Sektoru za tehničke poslove i licence
- Sektoru za pravne poslove
- Oglasna tabla
- a/a